

25-08-2025

खबरां

- प्रधानमंत्री नरेंद्र मोदी होरें आखेआ ऐ जे अज्जै दा भारत आत्मनिर्भर भारत ऐ जिन्नै अपने हर कम्मे लेई होरनें दा मूंह दिक्खना छोड़ी दित्ते दा ऐ।
- भारत ते फिजी नै आतंकवाद दना बर्दाश्त नेही करने दा धेइया पक्का करदे होई इस मामले च दौगला रौंह अपनाने आहले मुल्ले दी नुख्ताचीनी कीती ऐ।
- भारत ते फिजी बश्कार सेहत, छमता निर्माण ते बड्डे प्रभाव आहले 7 समझौते होए न जिंदा फिजी दी अर्थ बवस्था ते दौनें देशें दे सरबंघें पर मता असर पौग।
- प्रधानमंत्री नरेंद्र मोदी होरें फिजी दे अपने हमरूतबा सितिवेनी राबुका हुंदे नै दक्खनी गल्लबात दरान आतंकवाद ते साइबर सुरक्षा दे खेत्तर च इक-मिक्क होइयै कम्म करने दा प्रण पाया।
- दिल्ली च आयोजित द'ऊं रोजा अखिल भारती स्पीकर सम्मेलन सम्यान, ओम बिरला होरें आखेआ जे लोकतंत्र च विचारें, सहमति ते असहमति ते जिन्नी बन-सबन्नता होंदी ऐ लोकतंत्र उन्ना गै मजबूत होंदा ऐ।
- मौसम विभाग नै जम्मू-कश्मीर, हिमाचल प्रदेश ते पंजाब समेत मुल्ले दे केइए हिस्सें च भारी बरखा दी चेतावनी दिंदे होई रेड अलर्ट जारी कीता ऐ।
- गुजरात दे अहमदाबाद च 30मी राश्ट्रमंडल वेट लिफ्टिंग चैंपियनशिप दे पैहले ध्याड़े भारत नै सुन्ने दे द'ऊं तगमे हासिल करी लैते ना।

<><><><><><>

PM-Gujrat

प्रधानमंत्री नरेंद्र मोदी होर अज्जै थमां गुजरात दे 2 दिनें दे दौरे पर न जित्थे उनें 5 ज्हार 400 करोड़ रुपे कोला मती दी लागत आहिलें विकास परियोजनाएं दा उद्घाटन कीता। प्रधानमंत्री एल्लै उत्थे इक जनसभा गी संबोधित करै करदे ना। अपने संबोधनै च उनें आखेआ जे गुजरात दी धरती भगवान कृष्ण ते गांधी दी धरती ऐ ते इनें दौनें दे ना च मोहन ऐ। उनें आखेआ जे भारत जित्थे इक बक्खी मोहन दास कर्मचंद गांधी हुंदी दस्सी दी शांति ते अहिंसा दी बत्तै पर टुरदा ऐ उत्थे गै भगवान कृष्ण रूपी मोहद दे कर्म गी श्रेष्ठ मनने दे मंत्र पर बी कायम ऐ। उनें ओआ जे अज्ज अस आतंकवाद खलाफ तगड़ेयाई कन्नै कार्रवाई करै करने आं ते स्थाड़िएं नीतिएं च बी भगवान कृष्ण दे संदेश दी झलक दिक्खने गी लब्बधी ऐ। उनें आखेआ जे अज्ज दे भारत नै होरनें पर निर्भर होना छोड़ियै आत्मनिर्भर दी बत्त फगड़ी दी ऐ।

<><><><><><>

India-Fiji Terrorism

भारते ते फिजी नै आतंकवाद गी दना बर्दाश्त नेई करने दे धेइये गी पक्का करदे होई एहदे पर दोगला रौं अपनाने आहले मुल्ले दी नुख्ताचीनी कीती ऐ। भारत दे दौरे पर आए दे फिजी दे प्रधानमंत्री

सितिवेनी राबुका हुंदे कन्नै दपक्खी गल्लबात दरान दौनें नेताएं आतंकवाद खलाफ इक-मिक्क होइये कम्म करने दा प्रण पाया। दौनें लीडरें इस्सै ब'रे अप्रैल म्हीने पैहलगाम च होए दे आतंकी हमले जेदे च 26 बेदोसे सैलानी मारे गे हे द सख्त नुख्ताचीनी कीती।

<><><><><><>

India Figi Agriments

भारत ते फिजी नै अज्ज नमीं दिल्ली च सेहत, क्षमता निर्माण ते व्यापक प्रभाव आहली परियोजनाएं सरबन्धी 7 समझौतें पर दस्तखत कीते न। फिजी दे प्रधानमंत्री सितिवेनी लिगामा मादा राबुका हुंदे कन्नै प्रतिनिधि स्तरै दी गल्लबात दे बाद संवाददाता सम्मेलन च प्रधानमंत्री मोदी होरें आखेआ जे फिजी दी राजधानी सुवा च भारत दे सहयोग कन्नै इक 100 बिस्तरें आहला सुपर स्पैशिलिटी अस्पताल बनाया जाग। मोदी होरें आखेआ जे फिजी च जन औषधि केंद्र बी खोल्ले जांगन जेदे नै लोकें गी सस्ती ते मयारी दोआइयां मिलल सकंगन। मोदी होरें आखेआ जे दौनें देशें साइबर सुरक्षा ते डेटा सुरक्षा दे खेत्तर च आपसी सहयोग बधाने लेई किट्टे रलियै कम्म करने दी सहमति जताई ऐ। उनें आखेआ जे आतंकवाद पूरी मनुक्खता लेई इक बड्डी चुनौती ऐ ते दौनें मुख्य आतंकवाद गी दना बर्दाश्त नेई करने ते रक्षा ते सुरक्षा दे खेत्तर च आपसी सहयोग बधाने दा बी फैसला लैता ऐ। मोदी होरें आखेआ जे जलवायु परिवर्तन फिजी लेई गंभीर चिंता दा विषे ऐ ते इस संदर्भ च दवें देश नमी ते नमीकरणीय उर्जा दे खेत्तर च किट्टे रलियै कम्म करा करदे न। उनें अगो आखेआ जे भारत ते फिजी अंतरराष्ट्री सौर गठबंधन, आपदा रोधी बुनियादी ढांचे ते कुल संसारी जैव ईंधन गठबंधन च इक-मिक्क न। फिजी दे प्रधानमंत्री होरें आखेआ जे दौनें मुखें बश्कार होए दे समझौते उन्दे देसै लेई मती कारी दे साबत होंगन।

<><><><><><>

HM-Opp. Parties

केंद्री गृह मंत्री अमित शाह होरें संविधान दे 130में संशोधन विधेयक दे खलाफ बरोध करने पर विपक्षी पार्टिं दे नुख्ताचीनी करदे होई आरोप लाया ऐ जे बरोधी धड़ें दे नेता जेल्लै च रौहंदे होई बी सरकार बनाने ते चलाने दी कोश्ट करा करदे न। गृह मंत्री होरें विधेयक दे खलाफ बरोधी पार्टिं दे बरोधी गी गैर लोकतांत्रिक करार दिंदे होई आखेआ जे प्रधानमंत्री नरेंद्र मोदी होरें गै इस विधेयक दे तैहत प्रधानमंत्री दे ओहदे गी आह्मने पर जोर दिता हा। भारती जनप्रतिनिधित्व अधिनियम दा हवाला दिंदे होई शाह होरें आखेआ कि जेकर जनता आसेआ चुने गेदे प्रतिनिधि गी 2 साल जा ओहदे कोला मते समें लेई सजा होंदी ऐ तां उसी संसद सदस्य दे ओहदे सवां फारग करी दिता जाना लोड़चदा।

<><><><><><>

BJP-Opposition

भारतीय जनता पार्टी नै अज्ज संविधान (130वां संशोधन) विधेयक दे विरोध च विपक्षी दलें पर निशाना साधेया ऐ। नमीं दिल्ली च इक संवाददाता सम्मेलन गी संबोधित करदे होई भाजपा प्रवक्ता शहजाद पूनावाला होरें आखेआ जे विपक्षी दलें दा नैतिकता ते सुशासन दे विचार पर कोई रुख नेई ऐ। उनें आखेआ जे पूरे देश नै इस विधेयक दा सौआगत कीता ऐ पर कांग्रेस ते औहदे सहयोगी दल एहदा बरोध करा रदे न। उन्होंने गलाया जे किश लोग ते इस विधेयक आस्तै गठित संयुक्त संसदीय समिति

दा बी बहिष्कार करा'रदे ना। उनें आखेआ जे विधेयक राजनीति च भ्रष्टाचार ते अपराधीकरण दे खिलाफ लड़ाई दा इक हथियार ऐ।

<><><><><><>

Speaker-Sammelan

लोकसभा दे स्पीकर ओम बिरला होरें अज्ज आखेआ जे लोकतंत्र च विचारें, सहमति ते असहमति दी जिन्नी मती विविधता होंदी ऐ, लोकतंत्र उन्ना गै निम्गर मजबूत होंदा ऐ। दिल्ली विधानसभा च 2 दिनें दे अखिल भारती स्पीकर सम्मेलन दे समापन समारोह गी संबोधित करदे होई उनें आखेआ जे सदन दे मिम्बरें गी अपनी आचार संहिता बनाने दी कोश्ट करनी लोड़चदी ते इस गल्लै पर गहराई ते संजीदगी कन्नै विचार करना लोड़चदा की जनता उंदे कम्म, कम्म करने दे तरीकें, उन्दे बवहार ते हर इक हरकत गी दिखदी ऐ।

<><><><><><>

Delhi Metro

दिल्ली मेट्रो नै अज्जै थमां मेट्रो सेवा आस्तै टिकट किराए च आधिकारिक तौर पर संशोधन कीता ऐ। इस बढ़ोतरी दे बाद, यात्रियें गी बदी दी राशि दा भुगतान करना होग। इक सोशल मीडिया पोस्ट च दिल्ली मेट्रो नै दस्सेआ जे कराएं च एह बदलाव ममूली ऐ जेदे च मती सारी लाइनें पर 1 रुपे थमां लेइयै 4 रुपे तगर गै बढ़ोतरी होग। तोआई, एयरपोर्ट एक्सप्रेस लाइन पर कराएं च 5 रुपे तगर दा बादा होग।

<><><><><><>

PM-MKB

प्रधानमंत्री नरेन्द्र मोदी होर 31 अगस्त ऐतवार दिनें 11 बजे अपने माह्वार रेडियो कार्यक्रम “मन की बात” दे राएं देश-बदेश च रौहने आहले लोकें कन्नै अपने बचार सांझे करडन। एहू इस कार्यक्रम दी 125मीं किशत होग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नो आकाशवाणी खबरें दी वेबसाइट ते न्यूज़ ऑन ए.आई.आर मोबाइल ऐप ते डीडी न्यूज़, आकाशवाणी न्यूज़, प्रधानमंत्री हुं'दे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी जम्मू आसेआ मन की बात दे तुरत मगरा एहदा डोगरी च अनुवाद प्रसारत कीता जाहग जिसी तुस रातीं 8 बजे इक बारी परतियै बी सुनी सकदे ओ।

<><><><><><>

Shubanshu-Welcome

भारतीय अंतरिक्ष यात्री ग्रुप कैप्टन शुभांशु शुक्ला हुंदा अज्ज उन्दे जद्दी नगर लखनऊ च जोरदार स्वागत कीता गेआ। उप-मुख्यमंत्री ब्रजेश पाठक ते मेयर सुषमा खरकवाल होरें चौधरी चरण सिंह हवाई अड्डे पर उन्दा निग्गा सोआगत कीतां। शुभांशु शुक्ला होरें अपने स्कूल आसेआ आयोजित विजय परेड च हिस्सा लैता। एहदे बाद सम्मान समारोह दा आयोजन कीता गया। विजय परेड दौरान स्कूल दे विद्यार्थियों ते स्थानीय लोकें उन्दे पर फुल्लें दी बरखा कीती ते तिरंगा फहराया। ग्रुप कैप्टान शुभांशु

शुक्ला होरें अपने स्कूल च विद्यार्थियों गी इक अंतरिक्ष यात्री दे रूप च अपना कैरियर बनाने आस्तै प्रोत्साहित कीता। उनें गलाया जे लक्ष्य हासिल करने आस्तै सिर्फ इक्क गुण, दृढ़ता दी लोढ़ होंदी ऐ। उनें आखेआ जे स्थाढ़े कश इक दृष्टिकोण ऐ ते 2040 तगर चंद्रमा पर उतरने दा इक मिशन ऐ।

<><><><><><>

Weather

मौसम विभाग नै अज्ज जम्मू-कश्मीर, हिमाचल प्रदेश ते पंजाब च मौलेधार बरखा दा रेड अलर्ट जारी कीता ऐ। विभाग मूजब कल तगर गुजरात, राजस्थान ते उत्तराखंड च बी किश थाहरें पर बड़ी मती भारी बरखा दी पेशगोई कीती ऐ। आकाशवाणी समाचार कन्नै गल्लबात करदे होई मौसम विभाग दे वरिष्ठ वैज्ञानिक डॉ. आर. के. जेनामणि होरें आखेआ जे अगले 48 घंटे दौरान बंगाल दी खाड़ी दे तट पर इक्क घट्ट दबाव दा क्षेत्र बनने दी शंका ऐ। उनें आखेआ जे एहदे कारण ओडिशा, आंध्र प्रदेश ते पश्चिम बंगाल दे गंगीय क्षेत्रें च बुधवार तगर किश थाहरें पर परतियै बरखा होने दे असार न।

तोआई, हिमाचल प्रदेश च लगातार होआरदी मॉनसून दी बरखा कन्नै जनजीवन बुरी चाल्ली प्रभावित होआ ऐ। पिछले 24 घंटे च बिलासपुर ज़िले दे काहू च सभ्भनें थमां मती 190 मिलीमीटर बरखा दर्ज कीती गेई ऐ। मौलेधार बरखा करी राज्यभरै दे नदी-नाले उफान पर न। मौसम विभाग ने अगले किश घंटे आस्तै चम्बाद ते कांगड़ा ज़िलें च तेज बरखा दा रेड अलर्ट जारी कीता ऐ। कुल्लू, मंडी, हमीरपुर, ऊना ते बिलासपुर ज़िलें आस्तै ऑरेंज अलर्ट जारी कीता गेआ ऐ। प्रशासन नै लोकें गी सतर्क रौहने ते ल्हास-पस्सियां पौने आहले संभावित इलाकें ते नदियें-नालें कश नेई जाने दी सलाह दित्ती ऐ। राजस्थान च पिछले चार दिनें च होई दी मौलेधार बरखा करी कई जिलें च जनजीवन बुरी चाल्ली प्रभावित होआ ऐ। मौलेधार बरखा दी चेतावनी दे मद्देनजर अज्ज 19 जिलें च स्कूलों ते आंगनवाड़ी केंद्रें च छुट्टियां घोषित करी दित्तियां गेइयां न।

<><><><><><>

America-Tennis

गुजरात दे अहमदाबाद च 30मीं राश्ट्रमंडल वेट लिफ्टिंग चैंपियनशिप दे पैहले ध्याड़े भारत नै सुन्ने दे 2 तगमे हासिल कीते न। महिलाएं दे 44 कोला 48 किलोग्राम भार वर्ग प्रीतीस्मिता भोई नै 63 किलोग्राम बजन तुलकियै जिस्सलै जे क्लीन ते जर्क च 87 किलोग्राम भार कन्नै कुल 150 किलोग्राम पर अपना सुन्ने दा तगमा अपने नां कीता।

<><><><><><>

America-Tennis

अमरीकी ओपन टेनिस टूर्नामेंट च फ्रांस दे बेन्जामिन बोन्जी नै कल चिरें रातीं होई दी स्पर्धा च रूस दे 13मीं वरीयता हासल खडारी डेनियल मेदवेदेव गी हराया। बोन्जी कल रातीं न्यू यॉर्क दे फ्लशिंग मीडोज़ दे मेदवेदेव पर 6-3, 7-5, 6-7, 0-6, 6-4 कन्नै जित्त दर्ज करने दे बाद दूसरे दौर च पुज्जी गए। इक होर मैच च 24 बार दे ग्रैंड स्लैम विजेता सर्बिया दे नोवाक जोकोविच नै पहले राउंड च खडारी लर्नर टिएन गी मुख्ब स्पर्धा च हराईयै जित्त हासल कीती। सतमीं वरीयता प्राप्त जोकोविच नै आर्थर ऐश स्टेडियम 19 बरें दे अमरीकी खडारी गी 6-1, 7-6, 6-2 कन्नै हराया।

CM-Statehood

मुख्यमंत्री उमर अब्दुल्ला होरें आखेआ ऐ जे जम्मू-कश्मीर दा राज्य दा दर्जा बहाल करने आस्तै सुप्रीम कोर्ट गी इक समें सीमा तय करनी लोड़चदी। उनें आखेआ जे मंदे भागें आहली गल्ल ऐ जे संवैधानिक पीठ 10 अक्तूबर तगर इस मामले पर सुनवाई लेई तैयार नेई ऐ। इक कार्यक्रम मगरा मीडिया कर्मिण गी संबोधित करदे होई मुख्यमंत्री उमर अब्दुल्ला होरें आखेआ जे अस मेद करने आं जे अदालत इक समें-सीमा तय करोग ते असेंगी राज्य दा दर्जा तौले गै हासिल होग। एहदे थवां पैहले मुख्यमंत्री होरें श्रीनगर दे एस.के.आई.सी.सी च उनें समुदायें गी सशक्त बनाने ते सब्बनें दे कल्याण सरबन्धी कार्यक्रम च हिस्सा लैता। उनें प्रदर्शनी दा उद्घाटन कीता। उनें महिलाएं ते बे-गौरे समूहें लेई लोन गी मंजूरी दिती। मुख्यमंत्री होरें आखेआ ऐ जे सरकार दा नजरिया दान थवां बदलिए हक आधारित कल्याण पर ऐ।

<><><><><><>

USB-Pen Drive

साइबर सुरक्षा ते सरकारी आंकडवें दी संवेदनशीलता ते उंदी हिफाजत गी यकीनी बनाने दे मकसद कन्नै जम्मू-कश्मीर सरकार यू.एस.बी ते पेन ड्राइव्स दे दफ्तरें च इस्तेमाल पर फौरी पाबंदी लाई दिती गई ऐ। पाबंदी च सिविल सचिवालय गी बी शामिल कीता गेआ। सब्बनें मैहकमें गी आखेआ गेआ जे Gov Drive मंच पर डाटा स्टोर करन ते उसी सांझा करन। जेकर कुसै स्थिति च पेड ड्राइव गी इस्तेमाल करना पवै तां फी एहदे लेई औपचारिक अनुमति लैनी होग। जीएडी नै अधिकारिण गी आखेआ ऐ जे ओहू <https://govdrive.gov.in> दा इस्तेमाल करन। आदेश च आखेआ गेआ ऐ जे जेकर कोई इस हुक्म दी खिलाफवर्जी करदा ऐ तां फी ओदे खिलाफ सख्त कार्रवाई कीती जाग।

<><><><><><>